



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Historia Missionis Anglicanae Societatis Iesv**

**More, Henry**

**Avdomari, 1660**

Varia diuinae misericordiae, & iustitiae exempla. n. 8.

**urn:nbn:de:hbz:466:1-38320**

frequens vsurpatione plurimum est & cum fructu commendata; quamuis enim nemo siue ingenti discrimine aut Sacrosancto Sacrificio interesse aut Sacramentis participare queat, ipsum tamen discrimen (quæ Dei est benignitas) addere videbatur animos ut nemo libenter ad diuturnum tempus abstineret, Sacerdotesque vel adiret ipse, vel domo quantois cum periculo reciperet. In tenuiores præsertim sauitum est bonis ditectis, pluribus etiam indictâ causâ in vincula coniectis: anteuertebant enim Iudicum sententiam nequissimi apparitores, & auaritia odioque stimulante panarum lege constitutarum acerbiter suis direptionibus superabant, dum pro omni causa satis superque eratabuisse vel vno dominico die à cæteris hæreticorum. Opulentiores ac genere illustriores prætenæ fidelitatis Iureiurando irretiebantur: Cui malo haud facile vbique occurrere potuit, quandoquidem si cederent, fidem Principi Pastorum debitam fallebant; si recusarent, fortunarum ac familiarum ruina, egestas, carcer imminebat. Quæ in re Nobis eo impensius ex aduerso pugnandum fuit, quo non defuere ex doctorum hominum numero qui id iurari aut licite posse, aut etiam debere, verbo scriptoque defenderent. Nusquam enim non sunt quos aut metus incommodorum infringat, aut amicitia falsa adulatioque corruptat, aut nimia de se deque sua doctrina existimatio eleuet ut collidat. Nota res est & in orbem Christianum peruulgata variarum nationum & doctissimorum hominum commentationibus ut longiori narratione Lectorem detinere superfluum sit.

VIII. Opportunè his malis ut occurreret Sanctissimus Dominus noster Urbanus Octauus ad clauum Ecclesiæ eo tempore residens, & prouidâ sapientiâ filijs consulens hæc ad Catholicos scripsit, confirmaturus vacillantes, fortes ad constantiam adhortaturus.

Urbanus Papa Octauus

Dilectis Filijs Catholicis Angliæ.

Dilecti Filij Salutem & Apostolicam Benedictionem. Non semper terrena felicitas est beneficium Cæli, & patrimonium Pietatis. Patrem enim peccatorum videns Ecclesia non raro experta est potentiam mortalium esse stipendium sceleris; Quare catenas Martyrum anteferimus coronis triumphantium; & Rex sempiternus Principatum Cælestem pollicetur non ijs qui superbo pede iura proterunt, sed qui persecutionem patiuntur propter iustitiam. Veritatem hanc è thesauris Diuinitatis delatam in terras contemplans Apostolus, non modò animum non despondebat sed superabundabat gaudio in omni tribulatione fidelium: Qui enim digni habentur pro nomine Iesu contumeliam pati ij tesseram diuini amoris videntur possidere, & eo pretio abundant quo sunt venalia diademata æternitatis. Malle-

Breue Vr-  
bani de  
persecutio-  
ne.



1625.

tabernaculis iustorum; Attamen cum vestras miseras contemplamur, dilecti filij, tantum vestræ fidei & Christo propugnanti fidimus, vt nobis audeamus gratulari segetem triumphorum. Sperauit quidem Ecclesia fore vt potentissimi Regis animus, qui è Catholica coniuge procreare optauit haeredes patris regnis imperaturos, delinitus suspirijs vxoris pateretur regalis connubij dotem esse libertatem fidei: Nunc autem formidantur vota & consilia inimicorum vestrorum, & cum Religio Orthodoxa Regali Diademate in optima coniuge coronatur, isthic tamen non desunt qui filijs nostris audeant carcerem & supplicia minitari. Credimus esse inter vos qui mortificationem *Iesu Christi* proprio in corpore circumferre cupiunt, & blanditias voluptatis, atque ambitionis titulos posthabeant lanienæ carnificum & vinculorum contumelijs; si qui tamen isthic sunt quos presentis etiam prosperitatis desiderium teneat, eos certiores fieri cupimus de eorum salute mirificè sollicitam esse Pontificiam caritatem. Nullum à nobis relinquitur officium, quod minacem ingruentis tempestatis caliginem possit in optatam consolationis auram conuertere. Tamen si dilaret Infernus os suum, & Martyrum sanguinem sitiat impacata crudelitas, armari debetis scuto inexpugnabili bonæ voluntatis, & Cælum in carcere, coronam in equuleo, immortalitatem in morte cogitare. Inter Británicos naufragantis Ecclesiæ (scopulos Crux Christi fuit tabula quæ vos perduxit in portum voluptatis vestræ: hanc opus est amplexari in præsentia cuius virtute dulcis fiat amarities pœnarum. Cogitate, dilecti filij, in qua statione commoremini, & quorum oculis facti sitis Spectaculum: vos Angelicæ Legionis circumuoluant qui phialis aureis desideria fidelium accipiunt, & ad Sanctuarium ferunt, misericordia Omnipotentis patefactis Cœli foribus: Spectator idem & remunerator Christus vobis sacros ciuium vestrorum triumphos ostendit, quos Anglia proprio sanguine purpuratos intulit Cœlitum concilijs: Anxiæ preces suspirantis Ecclesiæ vobis à Deo petunt spiritum caritatis & fortitudinis: Vestram salutem curant consilia Senatus Apostolici & vota Christianitatis. In tanto Cœli terrarumq; Theatro quem vobis conscientia vigorem, quam animi triumphantis sublimitatem esse decet? fuerunt in consimili discrimine consilia maiorum vestrorum, lumina Spiritus Sancti, & arma lucis: sint vobis vestra, oracula sapientiæ, sint vestræ actiones exempla fortitudinis. Quod si eò vsque vis progrediatur vt vos ad noxium illud & illicitum Anglicanæ fidelitatis iuramentum adigat, mementote orationem vestram ab vniuerso Angelorum spectantium confes-  
su audiri, & adhæreat lingua vestra faucibus vestris priusquam auctoritatem Beati Petri ea Iurifurandi formulâ imminutum eatis. Non enim ibi id solum agitur vt fides Regi seruetur, sed vt sacrum vniuersæ Ecclesiæ Sceptrum eripiat Vicarijs Dei omnipotentis. Quod felicis recordationis Paulus Quintus Prædecessor noster in tam graui deliberatione decreuit id omnino tantquam edictum veritatis seruare debetis. Dilecti Filij, tributum hoc Principi Apostolorum debitum nullæ hominum minæ aut blanditiæ vnquam à vobis

extor-



1625.

queant: Qui secus suadent ij visionem mendacem & diuinationem fraudulenta prophetant vobis: citius enim viro Christiano potentium gladius vitam eripere debet quam fidem. Quod si Angelus etiam de Cælo descendens vos aliter quam veritas Apostolica doceat, Anathema sit. Nos interea Patrem luminum orabimus ne excæcari patiatur cor Anglicani Regis, qui certè discere debet quanta in ijs quæ polliceri potestis fides habenda sit Catholicis Anglis, qui ne se periurijs alligent malunt spiritum emittere quam vocem. Vt autem virtus vestra inueniatur pretiosior auro quod igne probatur docete regnum istud, tantam non inesse vim hostium fauitiæ vt in cordibus vestris possit æternum caritatis ignem extinguere. Orate pro persequentibus vos; humilitas, patientia, concordia, ieiunium, oratio arma sunt quæ in ista dimicatione debetis distingere vt palmæ Cælestium triumphorum floreat in manibus vestris. Cum enim ipsius Christi carnifices vetitus sit Beatus Petrus gladio vulnerare, hortamur vos, (Præfens Ecclesiæ bonum præ oculis habentes) vt cogitatis in terra cogitationes pacis, & Regi, etiam dum mortalem vitam adimit, æternam vitam exoptetis. Ita belligerare fas est milites Christi sub vexillo Crucis. Confundantur ora loquentium iniqua cum odisse metuas qui vos excruciant. Caterum Dominus qui potest tristitiam vestram in gaudium conuertere, erit à dextris vestris ne commoueamini, & illius testamenti nunquam obliuiscetur quo hæreditatem Regni Cælestis imitatoribus suis legauit. Complectimur vos Apostolicæ Caritatis brachijs, dilecti filij, quibus paternum patrocinium pollicemur, & benedictionem nostram peramanter impartimur. Datum Romæ apud Sanctum Petrum sub annulo Piscatoris: die trigesimo Maij Anno 1626. Pontificatus nostri anno tertio. Hæc Urbanus ad solatium & instructionem afflictorum.

I X. Accessit verò hoc etiam tempore atrox lues, quæ cum magna Lues etiam ubique facta strage se longe lateque per insulam diffunderet, impediri necesse atrox pro- fuit nostrarum cursum rerum ipsa excurrendi interclusa facultate: In Ecclesiæ pagata. tamen gremium repositi sunt trecenti septuaginta nouem, quos spes erat eo futuros constantiores quo maioribus animis difficillimo tempore fortunarum discrimen amplexi sunt. Pestilentia etiam laborantes adiuti tum corrugata pecunia ad corporum incommoda leuanda, tum impigra opera ad morbi grauitatem vel leuius ferendam, vel religiosius in morte lubeundam. Varia Varia die miserico- autem his annis accidere quæ diuini iudicij in quosdam seueritatem, in alios die et iudicij ex- pientissimam miseracionem, in Sanctos gloriæ accumulationem ostende- empla. runt. Nam piæ & religiose Leodij feminæ cum sub imo pectore vlcus ac- Sancti Ig- creuisset acerbissimo cum dolore, & cibi appetentia non satiabili, medicorū nati opo- multorum frustra arte tentatâ, ingrauescebat malum: At sacris Sancti Ig- sanata mu- nati reliquijs admotis confestim detumuit vulnus, & remittente dolore, pau- lier. cas illa intra horas sanata est.

Profuit alteri in tractu Lancastrensi, nostrorum recenter vso consuetudine, liber Et vir illi. teratus.